

BOSNA I HERCEGOVINA
FEDERACIJA BOSNE I HERCEGOVINE
FEDERALNA UPRAVA ZA
INSPEKCIJSKE POSLOVE
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL ADMINISTRATION FOR
INSPECTION AFFAIRS
SARAJEVO

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНА УПРАВА ЗА
ИНСПЕКЦИЈСКЕ ПОСЛОВЕ
САРАЈЕВО

Broj: 08-33-9-05163-2/2020
Datum, 3.11.2020. godine

BOSNA I HERCEGOVINA
FEDERACIJA BIH
VLADA KANTONA SARAJEVO
n/r premijera gosp. Marla Nenadića

PREDMET: Informacija o izvršenom inspeksijskom nadzoru u Kliničkom centru Univerziteta u Sarajevu, dostavlja se, -.

Poštovani,

Prema obavezama iz Naredbe Kriznog štaba Federalnog ministarstva zdravstva broj: 01-33-5991/20 od 25.10.2020. godine, postupajući po zahtjevu za hitno provođenje inspeksijskog nadzora Federalnog ministarstva zdravstva broj: 01-33-6128/20 od 30.10.2020. godine, uvažavajući poziv Vlade Kantona Sarajevo iz Zaključka broj: 02-04-42270-1.1/20 od 29.10.2020. godine, Federalni zdravstveni inspektorat Federalne uprave za inspeksijske poslove je u periodu od 3.11.- 4.11.2020. godine izvršio inspeksijski nadzor kod subjekta nadzora Klinički centar Univerziteta u Sarajevu u skladu sa odredbama Zakona o inspekcijama Federacije BiH („Službene novine Federacije BiH“ broj: 73/14, odluka Ustavnog suda FBiH broj: 19/17).


S poštovanjem!

U prilogu:

- Informacija o izvršenom inspeksijskom nadzoru u Kliničkom centru Univerziteta u Sarajevu
- Tabelarni prikaz traženih podataka po organizacijskim jedinicama-klinikama KCUS-a

Dostavljeno:
1 x Naslovu
1 x Evidencija
1 x Arhiva

M.P.



Sarajevo, 3.11.2020. godine

INFORMACIJA O IZVRŠENOM INSPEKCIJSKOM NADZORU U KLINIČKOM CENTRU UNIVERZITETA U SARAJEVU

U skladu s obavezama predviđenim Naredbom Kriznog štaba Federalnog ministarstva zdravstva broj: 01-33-5991/20 od 25.10.2020. godine, postupajući po zahtjevu za hitno provođenje inspeksijskog nadzora Federalnog ministarstva zdravstva broj: 01-33-6128/20 od 30.10.2020. godine, uvažavajući poziv Vlade Kantona Sarajevo iz Zaključka broj: 02-04-42270-1.1/20 od 29.10.2020. godine, Federalna uprava za inspeksijske poslove je tokom protekla dva dana izvršila usmjereni inspeksijski nadzor kod Kliničkog centra Univerziteta u Sarajevu na okolnosti obezbjeđenja 30% kapaciteta raspoloživih u korist COVID-19 pacijenata na nivou tercijarne zdravstvene zaštite, ali i utvrđivanja cjelokupnog činjeničnog stanja u pogledu odgovora Kliničnog centra Univerziteta u Sarajevu na značajno povećan pritisak izazvan ozbiljnim pogoršanjem epidemiološke situacije i prilivom pacijenata na bolničko liječenje. Napominjemo, predmetnom Naredbom je naloženo svim kliničkim centrima u Federaciji BiH, kao i svim općim, kantonalnim i specijalnim bolnicama u Federaciji BiH da osiguraju 30% kapaciteta za hospitalizaciju i liječenje pacijenata od COVID-19, s rokom uspostave od 72 sata od dana donošenja Naredbe.

Obzirom na kontraverzne informacije koje su se pojavile u medijima u vezi ovlaštenih lica koja mogu prisustvovati inspeksijskom nadzoru, ističemo da inspeksijski nadzor u skladu s članom 7. Zakona o inspekcijama FBiH provode federalni inspektori kao državni službenici s posebnim ovlastima i odgovornostima. Ovlaštenja inspektora propisana su u članu 62. Zakona o inspekcijama FBiH, kao i drugim federalnim propisima koji regulišu predmetnu oblast. Članovima 67. i 103. Zakona o inspekcijama FBiH propisano je da će se inspeksijski nadzor izvršiti u prisustvu odgovornog lica subjekta nadzora, ovlaštenog lica od strane subjekta nadzora ili bilo kojeg drugog lica radno angažovanog u subjektu nadzora.

Postupajući tim inspektora Federalnog zdravstvenog inspektorata je detaljnim neposrednim pregledom i uvidom u prateću dokumentaciju 27 organizacijskih jedinica koje čine Klinički centar Univerziteta u Sarajevu (KCUS), ispitujući relevantne aspekte svih uvjeta za ukupno zbrinjavanje COVID-19 pacijenata, uzimajući u obzir naročito kapacitete za prijem, kao i raspoloživo i angažirano osoblje, zapisnički konstatovao sljedeće:

- Dana 25.2.2020. godine je na osnovu Zaključka Vlade FBiH i Naredbe Kriznog štaba Federalnog ministarstva zdravstva imenovan **Krizni štab KCUS-a** u svrhu pravovremenog odgovora na pojavu „novog koronavirusa“ u BiH;
- Krizni štab KCUS-a je 25.3.2020. godine donio **Odluku o formiranju izolatorija u prostoru Klinike za plućne bolesti i tuberkulozu „Podhrastovi“**, koja se organizuje kao privremeni izolatorij i isključivo služi za prijem i smještaj pacijenata zaraženih koronavirusom, te koji prvobitno raspolaže sa 49 bolničkih kreveta;
- Stručno vijeće KCUS-a na sjednici održanoj 13.3.2020. godine donosi **Odluku o uspostavljanju i lokalitetu trijažnih punktova, uz hitan nalog organizacijskim**

jedinicama KCUS-a da dostave spiskove ljekara i medicinskih sestara za potrebe ispomoći, kao i osiguranje prostora - soba za boravak u slučaju izolacije;

- Predočeni su akti o ustanovljavanju procedura i algoritma za zbrinjavanje hospitaliziranih COVID-19 pacijenata (sedam procedura, tri algoritma) od marta mjeseca 2020.g.;
- S aspekta dnevnog broja zaprimljenih uzoraka na molekularnu dijagnostiku COVID-19 i vremenskih okvira analize Organizacione jedinice- Klinička mikrobiologija KCUS-a, dnevno se na SARS-CoV-2 RT-PCR zaprima oko 750-800 uzoraka koji uključuju uzorke s područja pet kantona u Federaciji BiH (Kantona Sarajevo, Zeničko-dobojskog Kantona, Unsko-sanskog, Bosansko-podrinjskog i Srednje-bosanskog Kantona), koji se zaprimaju i obrađuju 24 sata tokom svih sedam dana u sedmici od marta 2020. godine do danas, te koji se nakon unosa u elektronski sistem generiraju pacijentu kod nadležnog Doma zdravlja;
- Prema stanju na dan 2.11.2020. godine broj ukupno ležećih pacijenata na organizacionim jedinicama KCUS-a je 808, od čega su 200 „COVID“ pacijenti, a 608 ostali ležeći pacijenti,
- Prema stanju na dan 2.11.2020. godine raspoloživost bolničkih kapaciteta za ležeće pacijente na svim organizacionim jedinicama KCUS-a je ukupno 1.524 kreveta od čega su 457 „COVID“ kreveti, a 1066 kreveti predviđeni za ostale pacijente;
- Stanje popunjenosti izolatorija u prostoru Klinike za plućne bolesti i tuberkulozu „Podhrastovi“ na dan 2.11.2020. godine je 103 od ukupno 109 bolničkih kreveta za hospitalizaciju i zbrinjavanje zaraženih pacijenata (cca. 95%);
- Klinika za infektivne bolesti sa proširenim kapacitetima raspolaže sa ukupno 205 bolesničkih kreveta (punkt Podhrastovi, punkt u krugu KCUS-a)
- Od ukupno 200 COVID-19 pozitivnih pacijenata, 132 pacijenta su hospitalizirana na Klinici za infektivne bolesti (punkt Podhrastovi, punkt u krugu KCUS-a).

Sveobuhvatni inspekcijski nadzor bio je naročito usmjeren na organizacijske pretpostavke, hronologiju postupanja, raspoloživost kadrovskih kapaciteta i kapaciteta bolničkih kreveta, te svih drugih relevantnih pitanja za adekvatno i pravovremeno hospitalno zbrinjavanje zaraženih pacijenata.

Napominjemo, s aspekta ukupne raspoloživosti i kapaciteta za hospitalizaciju i zbrinjavanje COVID-19 pacijenata, federalni zdravstveni inspektori su izvršili neposredan nadzor u organizacionim jedinicama koje djeluju u sastavu KCUS-a, kojom prilikom je izvršeno brojanje bolničkih kreveta, s posebnim osvrtom na popunjenost kapaciteta (ukupan broj bolničkih kreveta i broj trenutno hospitaliziranih pojedinačno na svim klinikama s posebnim osvrtom na trenutnu popunjenost Klinike za infektivne bolesti, zatim broj kreveta koji je namijenjen za hospitalizaciju i liječenje COVID-19 pacijenata-izolacija i broj kreveta po klinikama namijenjenih za izolaciju pacijenata koji su pored primarne bolesti zbog koje su hospitalizirani pozitivni na SARS-CoV-2). Neposrednim uvidom i kontrolom je ustanovljeno da je 457 bolničkih kreveta za COVID-19 zaražene pacijente od ukupno 1.524 raspoloživih kapaciteta KCUS-a obilježeno shodno preporukama i prilagođeno zbrinjavanju zaraženih pacijenata.

U toku inspekcijskog nadzora napravljen je tabelarni prikaz ukupnog broja ležećih pacijenata i broja hospitaliziranih COVID-19 pacijenata, ukupnog broja bolničkih kreveta i broja bolničkih

kreveta predviđenih za COVID-19 pozitivne pacijente u svim organizacionim jedinicama u sastavu KCUS-a, prema kojim, u momentu nadzora, inspektori konstatuju da od utvrđenog broja punog kapaciteta bolničkih kreveta KCUS-a, odnosno, od ukupno 1.524, 457 bolničkih kreveta predviđeno je za COVID-19 pacijente, što čini 30% kapaciteta usmjerenih za hospitalizaciju i adekvatno zbrinjavanje zaraženih pacijenata.

Krizni Štab Kliničkog centra Univerziteta u Sarajevu je zbog nepredvidivog razvoja epidemiološke situacije, uporednih iskustava i praksi 1.3.2020. godine naložio internu reorganizaciju i preusmjeravanje slobodnih kapaciteta, kako bi se još početkom marta osigurao nivo od 30% kapaciteta za hospitalizaciju i liječenje COVID-19 pacijenata.

Istaknuto je da je ekspertni tim Kriznog štaba KCUS-a, predviđajući mogući nepovoljni rast oboljelih i planirajući mogući priliv pacijenata, išao u susret ozbiljnom pogoršanju situacije i faktički stvorio uvjete iz Naredbe skoro osam mjeseci prije nego što je ista donesena.

U pogledu neposredno zatečenog stanja, a po pitanju ispunjavanja uvjeta i osiguranja potrebnih organizacijskih, sistemskih rješenja i procedura u poslovanju u ovakvim vanrednim uvjetima rada, nesumnjivo se može zaključiti da je KCUS sa suženim i iscrpljenim kadrovskim kapacitetima odgovorio i odgovara pritiscima, zahtjevima i potrebama u okvirima vlastitih mogućnosti, a čemu u prilog govori uočena profesionalnost i posvećenost uposlenika KCUS-a.

Federalna uprava za inspekcijske poslove ostaje opredijeljena za dalje snažno i kontinuirano postupanje u cilju zaštite života i zdravlja stanovništva FBiH, te će, kao što to čini od početka proglašenja pandemije COVID-19, poduzimati sve zakonom propisane mjere, kontrolisati provođenje i poštivanje naredbi i mjera Kriznog štaba Federalnog ministarstva zdravstva i preporuka Zavoda za javno zdravstvo FBiH.

- KRAJ -

Federalna uprava za inspekcijske poslove je samostalni federalni organ uprave. Formalno je organizovana i otpočela sa radom u januaru 2007. godine, temeljem Zakona o inspekcijama u Federaciji BiH. Sjedište Federalne uprave je u Sarajevu. Federalna uprava obavlja poslove iz nadležnosti federalnih inspekcija koje su organizovane u sastavu uprave, i vrši i druge upravne i stručne poslove utvrđene posebnim zakonima. Nadležna je za obavljanje inspekcijskih nadzora nad primjenom federalnih propisa i propisa BiH kojima je utvrđena nadležnost entitetskih inspekcija za vršenje inspekcijskog nadzora, kao i drugim propisima. Federalnom upravom rukovodi direktor Mr Anis Ajdinović. www.fuzip.gov.ba

Za više informacija, možete kontaktirati Kabinet direktora Federalne uprave za inspekcijske poslove na telefon 033/563-360 ili e-mail: info@fuzip.gov.ba

TABELARNI PREGLED TRAŽENIH PODATAKA PO KLINIKAMA NA DAN 2.11.2020. GODINE

R.b.	NAZIV KLINIKE	BROJ LEŽEĆIH PACIJENATA			BROJ KREVEDA		
		Ostali ležeći	COVID ležeći	Ukupno ležećih	COVID kreveti	Ostali kreveti	Ukupno kreveta
1.	Klinika za neurohirurgiju	25	0	25	15	27	42
2.	Klinika za opštu, abdominalnu i glandularnu hirurgiju	39	2	41	13	85	98
3.	Klinika za urologiju	30	0	30	5	48	53
4.	Klinika za dječiju hirurgiju	6	0	6	7	18	25
5.	Klinika za torakalnu hirurgiju	6	0	6	5	18	23
6.	Klinika za anesteziju i reanimaciju	11	0	11	4	15	19
7.	Klinika za ortopediju i traumatologiju	48	6	54	26	79	105
8.	Klinika za rekonstruktivnu i plastičnu hirurgiju	13	0	13	7	32	39
9.	Klinika za bolesti uha, grla i nosa sa hirurgijom glave i vrata	7	0	7	11	15	26
10.	Klinika za očne bolesti	7	0	7	7	26	33
11.	Klinika za kardiovaskularnu hirurgiju	13	1	14	7	29	36
12.	Klinika urgentne medicine	0	10	10	4	3	7
13.	Klinika za gastroenterohepatologiju	16	4	20	4	25	29
14.	Klinika za nefrologiju	18	1	19	4	26	30
15.	Klinika za plućne bolesti i tuberkulozu	30	10	40	12	33	45
16.	Klinika za bolesti srca, krvnih žila i reumatizam	43	16	59	34	69	103
17.	Klinika za kožne i venerične bolesti – prošireni kapacitet infektivne klinike	0	19	19	36	0	36
18.	Klinika za infektivne bolesti	27	10	37	30	30	60
19.	Podhrastovi sastavni dio infektivne klinike	0	103	103	109	0	109
20.	Klinika za hematologiju	25	1	26	9	37	46
21.	Klinika za nuklearnu medicinu i endokrinologiju	8	5	13	4	26	30
22.	Klinika za fizijatriju i rehabilitaciju	13	0	13	6	20	26
23.	Klinika za onkologiju	60	0	60	12	61	73
24.	Klinika za ginekologiju i porodiljstvo	38	1	39	16	88	104
25.	Pedijatrijska klinika 1 i 2	60	3	63	32	128	160
26.	Psijhijatrijska klinika	28	4	32	12	56	68
27.	Neurološka klinika	37	4	41	26	72	98
	UKUPNO	608	200	808	457	1.066	1.524